

Бухоро вилояти, Жондор тумани Давлат  
хизматлари агентлигида  
2021 й. “ 18 ” феврал № 341038  
- сон билан рўйхатга олинди

“РЎЙХАТГА ОЛИНГАН”

“ТАСДИҚЛАЙМАН”  
Ўрмон хўжалиги давлат кўмитаси  
раиси ўринбосари, Ўрмон хўжалиги  
илмий-тадқиқот институти  
директори, профессор  
А.Х.Хамзаев  
“ 26 ” 01 ” 2021 й.

ЎРМОН ХЎЖАЛИГИ ИЛМИЙ-ТАДҚИҚОТ ИНСТИТУТИ  
БУХОРО ИЛМИЙ-ТАЖРИБА СТАНЦИЯСИНING ЯНГИ  
ТАХРИРДАГИ

**НИЗОМИ**

Бухоро шаҳри – 2021 йил

## I. УМУМИЙ ҚОИДАЛАР

1.1. Ўзбекистон Республикаси Президентининг 2021 йил 21 январдаги ПҚ-4960-сонли **“ЎРМОН ХЎЖАЛИГИ СОҲАСИДА ИЛМ-ФАННИ РИВОЖЛАНТИРИШ ВА ИЛМИЙ-ТАДҚИҚОТ ИШЛАРИНИ РАҒБАТЛАНТИРИШ ЧОРА-ТАДБИРЛАРИ ТЎҒРИСИДА”**ги қарори ва Ўзбекистон Республикаси Ўрмон хўжалиги давлат қўмитасининг 2021 йил 25 январдаги 5-сонли буйруғи ҳамда Ўрмон хўжалиги илмий-тадқиқот институтининг 2021 йил 26 январдаги 4/ич-сонли буйруғи асосида Бухоро илмий-тажриба хўжалиги мақоми тажриба станцияси мақомига ўзгартирилган. Бухоро илмий-тажриба станцияси ходимларининг 2021 йил 26 январдаги 1-сонли йиғилиш баёни асосида “Бухоро илмий-тажриба хўжалиги”, “Бухоро илмий-тажриба станцияси” деб ўзгартирилиб, Бухоро илмий-тажриба хўжалигининг 2017 йилда тасдиқланган Низоми бундан кейинги матнда “Бухоро илмий-тажриба станцияси янги тахрирдаги Низоми” деб қабул килинди. Ушбу Низом Бухоро илмий-тажриба станциясининг (бундан буён матнда тажриба станцияси деб юритилади) ҳуқуқий мақоми, асосий вазифалари ва функциялари, ҳуқуқлари ва жавобгарлиги, шунингдек, фаолияти ҳамда унинг хусусиятларини, мулкӣ муносабатларини белгилайди.

1.2. Тажриба станцияси Ўрмон хўжалиги илмий-тадқиқот институтига бўйсунди ва ҳисобот беради.

1.3. Тажриба станцияси ўрмон хўжалигини тўғри юритиш, ўрмон ресурсларидан оқилона фойдаланиш, ўрмонларни қайта тиклаш, парвариш қилиш ва уларнинг самарадорлигини ошириш, ихота ҳамда эрозияга қарши дарахтзорлар барпо этишни таъминловчи корхона ҳисобланади;

1.4. Тажриба станцияси ўз фаолиятини давлат ва хўжалик бошқаруви органлари, Ўзбекистон Республикаси Ўрмон хўжалиги давлат қўмитаси, Ўрмон хўжалиги илмий-тадқиқот институти, илмий текшириш институтлари, маҳаллий давлат ҳокимияти органлари, нодавлат нотижорат ташкилотлар, хорижий халқаро ҳамда бошқа ташкилотлар билан ҳамкорликда амалга оширади.

1.5. Тажриба станцияси ўз фаолиятида Ўзбекистон Республикаси Конституцияси ва қонунларига, Ўзбекистон Республикаси Олий Мажлис палаталари қарорларига, Ўзбекистон Республикаси Президентининг фармон, қарор ва фармойишларига, Ўзбекистон Республикаси Вазирлар Маҳкамасининг қарор ва фармойишларига, Ўзбекистон Республикаси Ўрмон хўжалиги давлат қўмитаси Низомига, Ўрмон хўжалиги илмий-тадқиқот институти Низомига ҳамда ушбу Низомга, шунингдек, бошқа қонун ҳужжатларига амал қилади.

1.6. Тажриба станцияси юридик шахс ҳисобланади, Ўзбекистон Республикасининг Давлат герби тасвири ва ўз номи туширилган муҳр ва бланкаларга, мустақил балансига, Ўзбекистон Республикаси Банк ҳисоб рақамларига, шу жумладан, чет эл валютасидаги ҳисоб рақамларига эга бўлади.

1.7. Тажриба станцияси жойлашган ери (почта манзили): Бухоро вилояти, Жондор тумани, Ўртачўл ҳудуди.

1.8. Тажриба станциясининг тўлиқ номи қуйидагича:

- ўзбек тилида - Бухоро илмий-тажриба станцияси (қискача номи БИТС);
- рус тилида – Научно – опытная станция Бухоро (қискача номи НОСБ);

## **II. ТАЖРИБА СТАНЦИЯСИНИНГ АСОСИЙ ВАЗИФАЛАРИ ВА ФУНКЦИЯЛАРИ**

2.1. Қуйидагилар Тажриба станциясининг асосий вазифалари ҳисобланади:

- ички ва ташқи бозор эҳтиёжини ўрганиш асосида республика манзарали боғдорчилигини ривожлантириш, кўчат ва ниҳоллар етиштириш ишларини ташкил этиш;
- манзарали ўсимлик кўчатларини ўстиришни ташкил этиш;
- институтнинг илмий ходимларига илмий ишлар олиб бориш, тадқиқот натижаларини синовдан ўтказиш, уларни ишлаб чиқаришга кенг қўламда жорий этиш учун зарур бўлган барча шароитларни яратиш;
- манзарали боғдорчилик ва ўрмон хўжалигини ривожлантириш учун ички ва хорижий инвестицияларни жалб қилиш, кичик станцияларни ташкил этиш, аҳолига пуллик хизматлари кўрсатиш;
- ер майдонларидан самарали фойдаланиш ва унинг мелиоратив ҳолатини яхшилаш, табиатни муҳофаза қилиш тадбирларини амалга ошириш;
- ўрмонларни ёнғиндан, ўзбошимчалик билан кесишдан ва бошқа ўрмон қонунларини бузишдан ҳимоя қилишни таъминлаш, ўрмонларни зарарқунанда ва касалликлардан асраш;
- ёрдамчи қишлоқ хўжалиги, чорвачилик, асаларичилик, балиқчилик, боғдорчилик, шифобахш ҳамда озуқабоп маҳсулотларни тайёрлаш, етиштириш ва кадоклашни амалга ошириш;

2.2. Тажриба станцияси ўзига юкланган асосий вазифаларга мувофиқ қуйидаги функцияларни амалга оширади:

а) ички ва ташқи бозор эҳтиёжини ўрганиш асосида республика манзарали боғдорчилигини ривожлантириш, кўчат ва ниҳоллар етиштириш ишларини ташкил этиш:

- ўрмон хўжалиги ва бошқа ердан фойдаланувчилар билан уларнинг ҳудудида шартнома асосида ихота дарахтзорлари яратишни амалга оширади;

- ўрмонни тоифаларга ажратиш, шунингдек, ўрмонларни бир тоифадан бошқа тоифага ўтказиш ҳақидаги таклифларни тегишли давлат ташкилотларига белгиланган тартибда киритади.

б) манзарали ўсимликлар кўчатини ўстиришни ташкил этиш:

- дарахт, бута навларининг уруғларини тайёрлайди, ўз эҳтиёжлари ва бошқа истеъмолчиларнинг талабларини қондириш учун кўчатлар етиштиради;

- ўрмонлар, боғлар, тоқзорлар барпо этади ва уларнинг ҳосилдорлиги оширилишини таъминлайди;

- манзарали ўсимликлар кўчатини етиштиришда илмий асосланган истикболли технологияларни ишлаб чиқишда иштирок этиш ва уларнинг амалиётга жорий

этилишини ташкил этади;

- ўрмон уруғчилиги ва ўрмон кўчатзорларини ташкил этади;
- тез ўсувчи ва юқори самара берувчи манзарали ўсимликларнинг кўчат турларини етиштиради ва кўпайтиради.

в) Институтнинг илмий ходимларига илмий ишлар олиб бориш, тадқиқот натижаларини синовдан ўтказиш, уларни ишлаб чиқаришга кенг кўламда жорий этиш учун зарур бўлган барча шароитларни яратади:

- кишлок хўжалиги экинларини етиштириш бўйича шартномаларнинг ўз вақтида тузилиши ва бажарилишини ташкил этади;

- юқори самарали технологияларни жорий этишни таъминлайди;
- манзарали боғдорчилик ва ўрмон хўжалиги бўйича фан ва техника ютуқларини, илғор тажрибаларини ишлаб чиқаришга тадбиқ қилади;

г) юридик ва жисмоний шахсларнинг мурожаатларини кўриб чиқилишини таъминлайди;

- тажриба станциясида ишлаб чиқариш самарадорлигини оширади ва шартнома муносабатларини ташкил этади;

- шартнома асосида ихота ўрмонлар, боғлар ҳамда ободонлаштириш ва кўкаламзорлаштириш сервис хизматларини ташкил қилади.

д) ер майдонларидан самарали фойдаланиш ва унинг мелиоратив ҳолатини яхшилаш, табиатни муҳофаза қилиш тадбирларини амалга ошириш:

- ўрмон кўрикчилигини ташкил этади ва ишини назорат қилади;
- ўрмон фондининг давлат ҳисобини ва давлат ўрмон кадастрини юритади;
- ўрмон ресурсларини ўрганади, улардан самарали фойдаланишни ташкил этади. ўрмон лойиҳа ишлари асосида ўрмон яратишни амалга оширади ва уни такомиллаштириш юзасидан таклифлар киритади.

е) ўрмонларни ёнғиндан, ўзбошимчалик билан кесишдан ва бошқа ўрмон конунларини бузишдан ҳимоя қилишни таъминлаш, ўрмонларни зараркунандалардан ва касалликлардан асраш чораларини кўради:

- ўсимликларни ҳар хил касаллик ва зараркунандалардан ҳимоя қилишнинг биологик ва уйғунлаштирилган усуллариини ишлаб чиқаришга тадбиқ этади;

- ўрмон касалликлари (патологияси)ни кузатиш, касалликларни ҳисобга олиш ва уларга қарши курашишни амалга оширади;

- сувни сакловчи ўрмонлар, қимматбаҳо дарахтзор, ўрмон фонди ерларида жойлашган давлат табиат ёдгорликларини муҳофаза қилади;

- ўрмон фондида ўрмонни, сувни асраш, ихоталаш, санитария-гигиена, соғломлаштириш каби фойдали функцияларни кучайтириш тадбирларини амалга оширади.

ж) ёрдамчи кишлок хўжалиги, чорвачилик, асаларичилик, балиқчилик, боғдорчилик, шифобахш озубоқоп маҳсулотларни тайёрлаш, етиштириш ва кадоклашни амалга оширади:

- тажриба станциясида ўрмондан фойдаланиш (қанча ёғоч кесилиши) ҳажмларини ишлаб чиқади ва Институт орқали Ўрмон хўжалиги давлат қўмитасига

тасдиқлаш учун тақдим этади;

- ёғоч тайёрлашни, шунингдек, ёғочдан, ёғоч чиқиндиларидан маҳсулотлар ишлаб чиқаришни ташкил этади;

- тижорат ишлари бўйича савдо-сотиқ, воситачилик ишларини амалга оширади, маҳсулотларни чакана ва улгуржи тарзда сотади ва сотиб олади. Шунингдек, тўғридан-тўғри шартномаларни амалга оширади.

- кадрлар заҳирасини яратади, ўрмон хўжалиги соҳасида раҳбар ходимлар ва мутахассисларни тайёрлаш, уларнинг малакасини ошириш учун Института тақлифлар киритади;

- ҳисоботларни белгиланган муддатларда тегишли давлат ташкилотларига тақдим этади;

- тажриба станциясининг молиявий барқарорлигини таъминлаш мақсадида мавжуд ерларни фуқароларга ижарага бериш йўли билан кишлоқ ва ўрмон хўжалиги ҳамда бошқа экин турларини экиб фойдаланиш учун меъёрий ҳужжатларга асосан шартномалар тузишни ташкил қилади.

### **III. ТАЖРИБА СТАНЦИЯСИНИНГ ҲУҚУҚЛАРИ ВА ЖАВОБГАРЛИГИ**

3.1. Тажриба станцияси ўзига юкланган вазифа ва функцияларни амалга ошириш учун қуйидаги ҳуқуқларга эга:

- қонун бузилиш ҳолатлари аниқланганда ҳуқуқни муҳофаза этувчи органларга хабар бериш;

- давлат органлари, илмий муассасалар ва Станция номидан вакиллик қилиш, унинг манфаатларини ҳимоя қилиш;

- қонун ҳужжатларига мувофиқ давлат, нодавлат ва нотижорат ташкилотлар, хорижий ташкилотлар билан ҳамкорлик қилиш;

- шартнома асосида илмий-тадқиқот ишларини бажариш, илмий-услубий хизматлар кўрсатиш;

- Тажриба станцияси ходимларининг меҳнатига ҳақ тўлаш ва уларни моддий рағбатлантиришни қонун ҳужжатларида белгиланган тартибда амалга ошириш;

- кадрлар тайёрлаш ва уларнинг малакасини ошириш ишларига қўмаклашиш;

- мустақил баланс, алоҳида мол-мулкка эга бўлиш;

- судда даъвогар ва жавобгар бўлиш.

- тажриба станцияси раҳбарияти ва масъул ходимлари томонидан содир этилган қонунбузарликлар учун жавобгарлик тажриба станцияси зиммасида ҳисобланади. Тажриба станцияси томонидан содир этилган қонунбузарликларга Институт жавобгар ҳисобланмайди.

Тажриба станцияси қонун ҳужжатларига мувофиқ бошқа ҳуқуқлардан ҳам фойдаланиши мумкин.

3.2. Тажриба станцияси ва унинг мансабдор шахслари ўзларига юкланган асосий вазифалар ва функцияларнинг самарали бажарилиши учун жавоб берадилар.

#### IV. ТАЖРИБА СТАНЦИЯСИ ФАОЛИЯТИНИ ТАШКИЛ ЭТИШ

4.1. Тажриба станциясига Ўрмон хўжалиги илмий-тадқиқот институти директори томонидан тайинланадиган директор бошчилик қилади.

Директор ўринбосари лавозимига номзод станция директори тавсиясига асосан Ўрмон хўжалиги илмий-тадқиқот институти директори томонидан тайинланади.

Бош ҳисобчи лавозимига номзод Институт директорининг розилиги асосида Тажриба станция директори томонидан тайинланади.

Директор тажриба станция фаолиятига умумий раҳбарлик қилади ҳамда тажриба станцияга юкланган вазифаларнинг бажарилиши учун шахсан жавоб беради.

4.2. Директор лавозимида олий маълумотли, ўрмончи, табиатни муҳофаза қилиш, молия-иқтисод, кишлoқ хўжалиги таълими йўналишидаги мутахассис фаолият кўрсатади.

Директорнинг хизмат вазифалари:

- бошқарув функцияларини амалга оширади, ходимларга раҳбарлик қилади, зарур қарорларни қабул қилади, жараёнларни тартибга солади, ташкилий-техник шартларни, ходимларга юкланган функциялар ва ишлаб чиқилган дастурлар бажарилишини таъминлайди.

- тажриба станциясининг барча турдаги фаолиятига бошчилик қилади.

- тажриба станциясига юклатилган вазифа ва мажбуриятларнинг бажарилиши учун шахсан жавоб беради;

- ваколат доирасидаги ходимларни меҳнат қонунчилигига асосан ишга қабул қилади ва ишдан озод этади;

- меҳнат шартномалари ва Тажриба станцияси шартномаларини шахсан имзолайди;

- мутахассис ва техник ходимларнинг хизмат вазифаларини белгилайди;

- ходимлар (мутахассис ва техник ходимлар) томонидан бажарилиши мажбурий бўлган буйруқлар чиқаради, уларнинг ижро назоратини ташкил қилади;

- тажриба станциясининг ишлаб чиқариш ва молия режасини ишлаб чиқади, тасдиқлайди, тасдиқланган режаларнинг миқдор ва сифат кўрсаткичлари бўйича тузилиши, бажарилиши, давлат бюджетини тўлиқ ўзлаштирилиши, маҳсулот билан таъминловчи, буюртмачи ва банк олдидаги мажбуриятларнинг бажарилишини таъминлайди;

- жамоа шартномасининг ишлаб чиқилишини ташкил этади ва бажарилишини таъминлайди, ишчи хизматчиларни меҳнатга ижодий ёндашиш руҳида тарбиялаш, ишлаб чиқариш ва меҳнат интизомини мустаҳкамлаш ишларини олиб боради;

- тажриба станциясининг моддий жавобгар ходимларини тайинлайди ва улар билан моддий бойликларни сақлаш бўйича шартномалар тузади, ишлаб чиқариш режаларини бажариш бўйича ўрмон бўлим бошликлари, ишчи-хизматчилари билан пудрат шартномаларини тузади ва уларнинг ўз вақтида ва тўлиқ бажарилиши устидан назорат олиб боради;

- ижтимоий адолат принципларининг тўғри қўлланилиши, иқтисодий ва маъмурий раҳбарлик услубларини уйғунлаштириш, масалаларни муҳокама қилиш ва қарорлар қабул қилишда коллегиялик ва яққаболчиликни, ишлаб чиқариш самарадорлигини оширишнинг моддий ва маънавий рағбатлантирилишини ҳамда ҳар бир ходимга топширилган ишнинг жавобгарлигини таъминлашни ташкил этади;

- ўзига берилган ҳуқуқ доирасида барча масалаларни ҳал қилади ва бош ўрмончи, бош ҳисобчи, бўлим бошлиқлари, мутахассислар, хизматчилар ҳамда техник ходимларга ишлаб чиқариш ва Тажриба станция вазифаларини бажариш юзасидан топшириқлар беради;

- норматив ҳуқуқий ҳужжатларни ҳаётга тадбиқ этади; тажриба станция фаолиятида қонунчиликка амал қилишнинг ижросини, меҳнат интизоми, бюджет интизоми, тажриба станция фаолияти интизоми ва шартнома интизомини мустаҳкамлаш ва бошқарувни такомиллаштиришда ҳуқуқий воситалардан самарали фойдаланишни таъминлайди.

Тажриба станция директори Ўзбекистон Республикасининг норматив ҳуқуқий ҳужжатлари, қонунлар асосларини билиши шарт. Жумладан, Ўзбекистон Республикаси Конституцияси, “Меҳнат кодекси”, “Ўрмон тўғрисида”ги, “Ўсимлик дунёсини муҳофаза қилиш ва ундан фойдаланиш тўғрисида”ги, “Ҳайвонот дунёсини муҳофаза қилиш ва ундан фойдаланиш тўғрисида”ги, “Норматив-ҳуқуқий ҳужжатлар тўғрисида”ги, “Хўжалик юритувчи субъектлар фаолиятининг шартномавий-ҳуқуқий базаси тўғрисида”ги, “Жисмоний ва юридик шахсларнинг муқофозлари тўғрисида”ги, “Давлат ҳокимияти ва бошқарув органлари фаолиятининг очиклиги тўғрисида”ги қонунлари, Ўзбекистон Республикаси Президентининг 2017 йил 11 майдаги “Ўзбекистон Республикаси Ўрмон хўжалиги Давлат қўмитасини ташкил этиш тўғрисида”ги фармони ва ўрмон хўжалигини иқтисодий ривожлантириш келажаги, ўрмон хўжалигининг ишлаб чиқариш қувватлари, маҳсулот этиштириш ва ишлаб чиқариш технологиялари, тажриба станция фаолиятини режалаштиришни ишлаб чиқиш ва тасдиқлаш тартибларини, тажриба станция шартномаларини тузиш ва бажариш тартибларини, республикадаги ва чет мамлакатлар ўрмон хўжаликларининг илғор тажрибалари, иқтисод, бошқарув ва ишлаб чиқаришни ташкил этиш, меҳнатни муҳофаза қилиш ва техника хавфсизлиги, ишлаб чиқариш санитарияси ва ёнғиндан муҳофаза қилиш нормаларини билиши лозим.

4.3. Директор ўринбосари лавозимида олий маълумотли, ўрмончи таълим йўналишидаги мутахассис фаолият кўрсатади. Директор ўринбосари бошқарув ходими ҳисобланади.

Директор ўринбосари хизмат вазифалари:

- тажриба станциянинг ишлаб чиқариш фаолиятини режалаштиради, зарур бўйруқларни ишлаб чиқади, қабул қилишга тақдим этади.

- тажриба станциянинг ўрмончилик фаолиятига ва ўрмончилик соҳаси мутахассис ва ходимларига бошчилик қилади;

- ўрмонларни кўпайтириш ва қайта тиклаш, ўрмондан қўшимча фойдаланиш, ўрмонларни касалликлардан ҳимоя қилиш, уларни ёнғиндан ва турли ўрмон қонунбузарликлардан қўриқлаш бўйича режа ва топшириқларни ишлаб чиқади, бажарилишини ташкил этади;

- ўрмонларни сифат ва маҳсулдорлигини ошириш тадбирларини ишлаб чиқади ва тадбир этади;

- ишлаб чиқариш режасини ишлаб чиқади, тасдиққа киритади ва ижросини таъминлайди;

- ўрмон дарахт ва буталари уруғчилиги, кўчатчилигини ривожлантириш, агроўрмонмелиоратив тадбирларни ўтказиш, ўрмон ерларини қабул қилиш ва топшириш ишларини ташкил қилади;

- ўрмон дарахт ва буталари уруғчилигини ривожлантиришнинг доимий базасини яратади;

- ўрмонни турларига кўра кесишга ажратиш ҳужжатларини тайёрлаш, ўрмонларни ёнғиндан муҳофаза қилиш, ноқонуний кесиш ва бошқа қонунбузарликлар, ўрмонларни касалликлардан ҳимоя қилиш, ўт ўчириш, яйловларда мол боқиш ва бошқа турдаги ўрмондан фойдаланиш қоидаларига риоя қилиш бўйича тадбирларни ишлаб чиқади ва ишни ташкил этади, назоратини юритади;

- тажриба станцияда ишлаб чиқаришга зиён етказмаган ҳолда шартнома асосида ўрмон яратиш ва кўкаламзорлаштириш ишларини ташкил этади;

- тажриба станция табиий доривор ўсимликлар майдонини аниқлайди ва белгиланган тартибда доривор ўсимлик хом-ашёси тайёрлаш режасини тузиб, тасдиққа тақдим этади;

- доривор ўсимликлар экиш режаларини ишлаб чиқади, агротехник тадбирлар асосида ўз вақтида сифатли тайёрланиши ва топширилишини назорат қилади;

- ўрмон, ўсимлик ва ҳайвонот дунёсининг давлат ҳисобини ва давлат кадастрини юритади;

- ўрмон тузиш экспедиция, партиялари ва бошқа лойиҳа кидирув ташкилотлари билан биргаликда дала ишларини ўтказишда қатнашади, уларнинг бажарилиш сифатини текширади, бажарилган ишларни қабул қилади;

- ўрмон фондига эга бўлган ташкилотларга ўрмонлардан фойдаланиш ва ўрмон ишларини ўтказиш бўйича методик ва техник ёрдам кўрсатади;

- кадрларни амалий тажрибасини ўстиришни ташкил этади;

- кадрлар малакасини оширишни ташкил этиш ҳақида таклифлар киритади;

- ишлаб чиқаришда меҳнатни муҳофаза қилиш тадбирларини бажарилишини таъминлайди;

- бўлимларда ишлаб чиқариш ва меҳнат интизомининг ҳолатини назорат қилади.

Директор ўринбосари Ўзбекистон Республикасининг норматив ҳукукий ҳужжатлари, қонунлар асосларини, билиши шарт. Жумладан, Ўзбекистон Республикаси Конституцияси, “Ўрмон тўғрисида”ги, “Ўсимлик дунёсини муҳофаза



килиш ва ундан фойдаланиш тўғрисида” ги, “Хайвонот дунёсини муҳофаза қилиш ва ундан фойдаланиш тўғрисида” ги, “Норматив-ҳукукий ҳужжатлар тўғрисида” ги, “Хўжалик юритувчи субъектлар фаолиятининг шартномавий-ҳукукий базаси тўғрисида” ги қонунларни ва ўрмон хўжалигини иқтисодий ривожлантириш келажаги, ўрмон хўжалигининг ишлаб чиқариш қувватлари, маҳсулот етказириш ва ишлаб чиқариш технологиялари, Тажриба станция фаолиятини режалаштиришни ишлаб чиқиш ва тасдиқлаш тартибларини, Тажриба станция шартномаларини тузиш ва бажариш тартибларини, ишлаб чиқаришни ташкил этиш, меҳнатни муҳофаза қилиш ва техника хавфсизлиги, ишлаб чиқариш санитарияси ва ёнғиндан муҳофаза қилиш нормаларини билиши лозим.

4.4. Бош ҳисобчи лавозимида олий маълумотли (иқтисодчи, бухгалтер, молиячи) таълим йўналишидаги мутахассис фаолият кўрсатади. Бош ҳисобчи бошқарув ходими ҳисобланади.

Бош ҳисобчининг хизмат вазифалари:

- тажриба станция молиявий фаолиятини режалаштиради, зарур қарорлар лойиҳасини ишлаб чиқади, қарор қабул қилишга тақдим этади;

- тажриба станциянинг бухгалтерия ишлари ва ходимларига бошқарув қилади;

- тажриба станция молия фаолияти бўйича бухгалтерия ҳисоботини олиб боради ва моддий, меҳнат ва молиявий ресурсларнинг иқтисод қилган ҳолда фойдаланишни, Тажриба станция мулкнинг сақланишини назорат қилади;

- ўрмон хўжалигида ва унинг бўлимларида ҳисоб-китоб ишларини марказлаштириш, бухгалтерия ҳисоби ва назоратини янги, илғор метод ва шакллари асосида тартиб интизомга амал қилишга ва хўжалик ҳисобини мустасаммалга қаратилган ҳисобга олиш ва ҳисоботларни ташкил қилишни таъминлайди;

- молия ишлаб-чиқариш режасини ишлаб чиқади, тасдиққа қаратади ва лавозинини таъминлайди;

- тажриба станцияга кирим бўлаётган асосий воситалар ва пул маблағларининг товар моддий бойликларни ҳисобга олишни ташкил этади, улар харажати билан боғлиқ бўлган ҳисоботларни бухгалтерия балансида акс эттирилишини таъминлайди;

- тажриба станция молиявий фаолияти натижаларини ҳамда тажриба станция молиявий операцияларини ҳисобга олади, уларнинг қонунийлигини ўз вақтида ва тўғри ҳужжатлаштирилишини маҳсулотлар, ишлар ва хизматлар ҳисоб қалқулиши таннаҳларининг иқтисодий асосланган ҳолда тузилишини, тажриба станция ходимларига иш ҳақларининг ўз вақтида ҳисоб қилинишини таъминлайди;

- бюджетга тўловларни, ижтимоий суғурта бадалларини, капитал қурилмаларни, молиялаштириш маблағларини тўғри ҳисоб қилиш ва ўтказишни, банк билан бўлган ссуда қарзларини белгиланган муддатларда қамайтириб бориш, солиштирма далолатномалар тузиш, иқтисодий рағбатлантириш фонди ва бошқа захира фондларига маблағлар ҳисобини юритишни ташкил қилади;

- дастлабки бухгалтерия ҳужжатларининг тўлов мажбуриятлари, иш ҳақи фондлари харажатларини, Тажриба станция ходимлари иш ҳақларини ҳисоблаб

чиқиш, пул маблағларини, товар материалларини инвентаризация қилишни бухгалтерия ҳисоб ва ҳисоботларини текширади;

- станция бўлинмалари ҳужжатлари юритилишида қонунийликка рио қилинишини назорат қилади;

- станция молиявий фаолияти ички тажриба станция резервларини аниқлайди фойдасиз ва мақсадсиз харажатларга йўл қўймаслик мақсадида иқтисодий таҳли қилиш ишларида қатнашади;

- етишмовчиликларни (камомад), пул ва маблағларни, товар моддӣ бойликларнинг ноқонуний сарфланишини, Тажриба станция Молиявий қонунчилиги бўзилишларини олдини олиш бўйича тадбирлар белгилайди;

- пул маблағлари, товар материалларининг етишмовчилиги ва ноқонуний ҳисобдан чиқариш ҳолатларига йўл қўйилиши ҳолатларини аниқлайди ;

- молиявий касса тўлов, штат бирлиги ва бухгалтерия ҳисоби интизомига харажатлар сметасига қатъий риоя қилинишини таъминлайди;

- бухгалтерия балансидаги камомадларни, дебитор, кредитор қарзларни қонунийлигига, бухгалтерия ҳужжатларининг сакланишига ва белгиланган тартибда архивга топширишга қатъий амал қилган ҳолда иш олиб борилишини таъминлайди;

- бухгалтерия ҳисоботларини ўз вақтида тузиш ва тегишли ҳисобот қабул қилувчи органларга топширилишини таъминлайди;

- тажриба станция ходимларига бухгалтерия ҳисоби, назорат ҳисоботи ва иқтисодий таҳлил бўйича методик ёрдам кўрсатади.

Бош ҳисобчи Ўзбекистон Республикасининг норматив ҳуқуқий ҳужжатлари, қонунлар асосларини, билиши шарт. Жумладан, Ўзбекистон Республикаси Конституцияси, Меҳнат кодекси, “Давлат бюджети тўғрисида”ги, “Бухгалтерия ҳисоби тўғрисида”ги, “Солиқ кодекси”, “Хўжалик юритувчи субъектлар фаолиятининг шартномавий-ҳуқуқий базаси тўғрисида”ги, “Давлат бюджети газна масраси тўғрисида”ги қонунлари, Вазирлар Маҳкамасининг 1999 йил 3 сентябрдаги “Бюджет ташкилотларини маблағ билан таъминлаш тартибини такомиллаштириш тўғрисида”ги 414-сонли қарори, Молия вазирлигининг “Бухгалтерия ҳисобининг миллий стандарти”, “Активлар ва мажбуриятларни мажбурий инвентаризация қилиш тўғрисида”ги буйруқлари ва ўрмон хўжалигини иқтисодий ривожлантириш меъёраги, ўрмон хўжалигининг ишлаб чиқариш қувватлари, маҳсулот етиштириш ва ишлаб чиқариш технологиялари, тажриба станция фаолиятини режалаштиришни ишлаб чиқиш ва тасдиқлаш тартибларини, тажриба станция шартномаларини тузиш ва бажариш тартибларини, ишлаб чиқаришни ташкил этиш, меҳнатни муҳофаза қилиш ва техника хавфсизлиги, ишлаб чиқариш санитарияси ва ёнғиндан муҳофаза қилиш нормаларини билиши лозим.

## **V. ТАЖРИБА СТАНЦИЯСИ ТИЗИМИНИ МОЛИЯЛАШТИРИШ ВА ХОДИМЛАРИНИ МОДДИЙ РАВБАТЛАНТИРИШ**

### **5.1. Тажриба станциянинг мулки:**

Ўзбекистон Республикаси Ўрмон хўжалиги давлат қўмитаси ва Ўрмон хўжалиги илмий-тадқиқот институти томонидан Бухоро илмий-тажриба станцияга оператив бошқариш ҳуқуқи билан бириктирилган мулк;

- бюджет маблағлари;
- ўрмон хўжалигининг станция фаолиятидан олинган даромадлари;
- қонун ҳужжатларига зид бўлмаган бошқа манбалар ҳисобига шакллантирилади;
- тажриба станция мулкнинг қиймати станциянинг мустақил балансида акс эттирилади;
- тажриба станциянинг штат жадваллари ва харажатлар сметаси Ўрмон хўжалиги илмий-тадқиқот институти директори томонидан тасдиқланади;
- тажриба станция ўз фаолиятидан олган даромадларидан қонунчиликка мувофиқ фойдаланади.

5.2. Тажриба станциянинг мулки бўлинмас мулк ҳисобланади ва Тажриба станция ходимлари ўртасида тақсимланиши мумкин эмас.

5.3. Асосий воситаларни сотиш, сотиб олиш, уларни гаровга қўйиш, мулкни тажриба станция Устав фондига улуш сифатида қўшиш, мулкни станция фаолияти мақсадларига мувофиқ бўлмаганда ижарага бериш мулкни тасарруф этиш Ўрмон хўжалиги илмий-тадқиқот институти билан келишган ҳолда амалга оширилади.

5.4. Тажриба станция мол-мулки миқдорини камайтириш ёки қўпайтириш, асосий воситаларни ҳисобдан чиқариш Ўрмон хўжалиги илмий-тадқиқот институти билан келишган ҳолда Ўзбекистон Республикаси қонунчилиқда белгиланган тартибда амалга оширилади.

5.6. Тажриба станция фаолияти юзасидан қонунлар ва қонун ости ҳужжатларида белгиланган тартиб ва муддатларда ваколатли органларга ҳисоб беради ва ҳисоботлар тақдим этади.

## **VI. Яқунловчи қондалар**

6.1. Тажриба станция фаолияти муддати чегараланмаган.


6.2. Тажриба станция фаолиятини қайта ташкил этиш ва тугатиш қонунчиликка мувофиқ амалга оширилади.

Мазкур Низом Бухоро илмий-тажриба станцияси ходимларининг 2021 йил 26 январ кунидаги йиғилиш баёни асосида қабул қилинган.



Ўрмон хўжалиги ИТИнинг  
2021 йил 26 январдаги  
4-нч. сонли буйруғига илова

### Ўрмон хўжалиги илмий-тадқиқот институтининг Бухоро илмий-тажриба станцияси тузилмаси



Жами чекланган ходимлар сони 25 киши. \* Илмий-техник зойиҳадарни амалга ошириш учун мутахассислар ва илмий ходимлар қўшимча равишда шартнома асосида жалб этилади.